

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-15856/17
Sarajevo, 28.09.2017.godine

Na temelju člana 25. i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine, a na preporuku Komisije za javnu nabavku radova - putem provedenog Otvorenog postupka za zaključenje ugovora, Općinski načelnik d o n o s i:

O D L U K U

o izboru najpovoljnijeg ponuđača u predmetu - Izvođenje radova na izgradnji sistema vodosnadbijevanja u obuhvatu RP "Bojnik-Dobroševići" u zoni rezervoara Donji Mihaljevići u dijelu ulice 14.juni

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji sistema vodosnadbijevanja u obuhvatu RP "Bojnik-Dobroševići" u zoni rezervoara Donji Mihaljevići u dijelu ulice 14.juni (Otvoreni postupak po obavještenju broj 422-1-3-178-3-80/17 objavljenom u Službenom glasniku br. 61/17 dana 25.08.2017.godine i na Portalu javnih nabavki Agencije za javne nabavke BiH dana 22.08.2017.godine) dodjeljuje se ponuđaču BUJICE DOO KONJIC, sa ponuđenom cijenom u iznosu od 70.039,32 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Izvještaj o radu Komisije sa preporukom za dodjelu ugovora u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona i dokaze iz podtačke 3.3.2. tenderske dokumentacije koji se odnose na ekonomsku i finansijsku sposobnost. Dokaz za ekonomsku i finansijsku sposobnost podrazumijeva dostavu Potvrde od Centralne banke BiH o stanju računa ponuđača iz člana I ove Odluke.

Dokazi koje će dostaviti odabrani ponuđač po članu 45. stav 2. Zakona tačka od a) do d) Zakona i dokaze iz podtačke 3.3.2. - Potvrda Centralne banke BiH o stanju računa ponuđača, moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na izgradnji sistema vodosnadbijevanja u obuhvatu RP "Bojnik-Dobroševići" u zoni rezervoara Donji Mihaljevići u dijelu ulice 14.juni br. 02/12-23-15856/17 od 02.08.2017.godine. Javna nabavka provedena je putem Otvorenog postupka za dostavu ponuda br. obavještenja 422-1-3-178-3-80/17 objavljenom u Službenom glasniku br. 61/17 dana 25.08.2017.godine i na Portalu javnih nabavki Agencije za javne nabavke BiH dana 22.08.2017.godine. Procjenjena vrijednost predmetne nabavke bez PDV-a iznosi 85.470,10 KM a sa PDV-om vrijednost nabavke iznosi 100.000,00 KM. U ostavljenom krajnjem roku za otvaranje ponuda 08.09.2017.godine, Komisija za javnu nabavku radova (u daljem tekstu: Komisija) utvrdila je da su u ostavljenom krajnjem roku za

otvaranje ponuda, blagovremeno i propisno upakovane dostavljene tri (3) ponude i to od sljedećih ponuđača: Sela doo Sarajevo, Bujice doo Konjic i Hidrom doo Vogošća. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da su pristigle tri (3) ponude, pristupila je analizi i procjeni dokumentacije priložene uz iste, te je utvrdila da ponuda ponuđača Hidrom doo Vogošća, nije potpuna i ne ispunjavaja zahtjeve date u tenderskoj dokumentaciji.

Uvidom u ponudu ponuđača Hidrom doo Vogošća, utvrđeno je da ista nije potpuna u pogledu ispunjavanja uslova traženih tenderskom dokumentacijom. Ponuda navedenog ponuđača nije prihvatljiva sa aspekta tehničke i profesionalne sposobnosti tražene u tački 3.4. tenderske dokumentacije stav b) i tačka 4.2. Sadržaj ponude; podtačka 4.2.1. - član 48. i 51. ZJN. Naime, ova ponuda ne sadrži sve elemente kojima se dokazuje profesionalna sposobnost u pogledu angažmana jednog lica VSS-građevinske struke. Diplomom o stečenom visokom akademskom zvanju stručno lice steklo je tek septembra 2014.godine. Uslovima tenderske dokumentacije precizirano je da stručno lice VSS-građevinske struke mora posjedovati iskustvo u radu na istim ili sličnim poslovima u trajanju od najmanje 5 godina, što nije dokazano, niti vidljivo iz priložene diplome. Ovim je ponuđač postupio suprotno tački 4.2. Sadržaj ponude; podtačka 4.2.1. stav j) i tački 3.4. tenderske dokumentacije stav b), koji se odnose na tehničku i profesionalnu sposobnost.

Daljom analizom ove ponude, Komisija konstatuje da je tenderskom dokumentacijom definisano da kao prilog iste čini Aneks 9. – Nacrt Ugovora. Ponuđač Hidrom doo Vogošća u svojoj ponudi nije dostavio traženi Nacrt Ugovora dat u Aneksu 9. tenderske dokumentacije. U skladu sa članom 53. tačka (3) podtačka r) Zakona o javnim nabavkama i tačkom 9. Uputstva za pripremu tenderske dokumentacije, definisano je da ponuda sadrži prijedlog ugovora ili okvirnog sporazuma, a što nije bio slučaj kod navedenog ponuđača.

Obzirom na sve naprijed navđeno, Komisija je ponudu ponuđača Hidrom doo Vogošća odbacila, te ista nije bila predmet dalje analize i vrednovanja.

U daljem postupku analize ponuda, Komisija je detaljnim uvidom u dvije (2) prihvatljive ponude: Sela doo Sarajevo i Bujice doo Konjic, odnosno dokumentaciju, kojom su ponuđači dokazali svoje kvalifikacije za učešće u ovom postupku, utvrdila da ispunjavaju formalno-pravne i kvalifikacione uslove navedene u obavještenju o nabavci i tenderskoj dokumentaciji. Komisija je izvršila i računsku kontrolu ponuda, te utvrdila da su računski ispravne i da iste odgovaraju traženoj specifikaciji.

Za predmetnu nabavku provedenu putem otvorenog postupka za dodjelu ugovora u predmetu Izvođenje radova na izgradnji sistema vodosnadbijevanja u obuhvatu RP "Bojnik-Dobroševići" u zoni rezervoara Donji Mihaljevići u dijelu ulice 14.juni, dostavljene su dvije (2) prihvatljive ponude, računski ispravne i koje ispunjavaju kvalifikacione uslove date u tenderskoj dokumentaciji. Shodno članu 64. Zakona stav b), Komisija je pravilno i potpuno izvršila ocjenu kvalificiranosti ponuda, te poređenje i utvrdila rang listu prispjelih ponuda shodno kriteriju najniža cijena (tačka 5.1. tenderske dokumentacije - najniža cijena) i kao najpovoljnijeg ponuđača odabrala BUJICE DOO KONJIC, sa ponuđenom cijenom za ugovor u iznosu od 70.039,32 KM sa uračunatim PDV-om.

Rang lista ostalih ponuda:

2. Sela doo Sarajevo.....u iznosu od 80.303,65 KM

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o otvaranju ponuda i Izvještaj o radu i preporuka Komisije za dodjelu ugovora. Na osnovu gore navedenog, odlučeno je kao u dispozitivu Odluke.


Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava i pravnih interesa, u roku od 10 dana od prijema pismene obavijesti (Odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila: *Enisa Babić*, pravnik

Dostaviti:

1. Ponuđačima- učesnici postupka
2. Služba za zajedničke poslove
3. A r h i v i / u spis



Općinski načelnik

Enisa Babić
Mr. Semir Efendić